

梅亭四六極楽

庫 文 閣 内	
函	漢書 特四十二類 一七四二號 一九冊
架	

合
十
冊

内 閣 文 庫	
番 號	漢 11742
冊 數	19 (18)
函 號	函 3 5



国立公文書館
National Archives of Japan

原本の文字など不明瞭な個所があります。

梅亭先生四六標準卷之三十五

新官城書藏

簿

通寧鄉蔡主簿

攷說

交代

望俊躔於淮海知敬儒先問遭道於洞庭偶從誤
後貂不足而狗續鴻高舉而燕來及未治任可無
執訊恭惟某官員材鴻碩蓄學駿厯中郎典刑晚
亦宜於東觀客卿富貴久盍見於西秦吾道非耶
公等安在跨揚州之鶴安得自高麾湘水之蛟能
令公喜方今漢庭之老用矣敢問吳會之意何如
某志大心勞材䟽意拙一科不補欲鉉鰲而未能

五技易窮覺屠龍之無用所賴鸞鳳之先戒棲枳
何如無謂牛羊之下來求芻而止尚托子孫之契
欲窮師友之源向來一瓣曾南豐苦難並世安知
四海習鑿齒不勝讀書

代回上高劉簿

昌詩

衆賢雜選共騰薦士之章老子婆娑切與挂名之
寵無可謝者安用文之恭惟某官節抱秋竿詞摛
春藻諸公評論謂當策足於要津何物簿書欲使
擡頭於矮屋人爭送上我亦譟旁引重鼎兮不程
問大鈞而未答某挽士不寸宜休者三遺我雙鯉
魚似虛取勤渠之辱漸階羣振鷺願無忘醇正之
歸

回江夏范主簿

之損

屈就棘棲榮趨瓜戍漢之廣江之求古稱夏口之
雄簿如絲訟如縻今敢秋毫之隱方圖贊喜已沐
飛牋恭惟某官翰墨功名填筮學問一門叔父慨
然孟博之登車十萬甲兵喜爲幼度而折袂碩就
銓曹之調俯從簿正之供難爲弟難爲兄正觀競
秀能令喜能令怒佇即蜚英會躡翻鸚鵡之洲見
倚賴巨鰲之釣某一寒寡與三暑設閑頃者綴文

石之班不堪教曹外茲佐武岡之治正玃一負丞所
忻楚服之同尚切晉波之及修西門種柳之課君
必勉之尋南嶽煨羊之禪我之懷矣

回綏寧譚簿尉

成子

老驥垂頭有愧治中之展名駒策足不孤簿正之
供幸游從諸父之間有稠疊同僚之好恭惟某官
美由世濟仕本學優乃翁知國如知兵手板無倉
黃之失它日聞詩又聞禮心印得清白之傳寧嫌
矮屋之卑會即高門之亢某再叨半刺不羨羣飛
士安得自高儻可請比鄰而與祭余方有公事亦

當破崖岸而爲文

回武岡黃主簿

海

深叢見孤巖曾聽阿房之讀遠方遺雙鯉來司臨
邑之曹可謂聞音而登然抑訝何見之晚也恭惟
某官源委深厚波瀾老成潁川第一之功固起甚
廉之簿江夏無雙之學蓋觀未見之書暫須矮屋
以搥頭即快要津之策足某因功教曹承乏佐州
聾丞尚可送迎儻或免督郵之逐短簿能令喜怒
何幸同君子之僚

回蔣主簿

時懋

雌伏郡丞自笑廣文之何用鸞棲簿領渠云高士
之不爲聞湏及瓜之期尚請拔薤之教恭惟某官
揆材有裕蓄學不貲黔山之嶺夙負權奇之質湘
水如舞聊攄會計之材佇即飛騰徧儀華臚某卧
雲已幸分月何爲靡有他長友其士之仁者能令
公喜忠焉能勿誨乎

代回廬陵嚴簿世明

老夫耄矣不堪再鼓之衰主簿何如猶致一牋之
賀恐孤厚意聊具報章恭惟某官派分鈞瀨之清
文似漆園之壯驂騶開道會即秣天山之禾鸞鳳
冲霄姑少棲人間之枳交章載路增秩匪朝贈我
明月珠可見多時之鯁弄乞君飛霞珮會看萬里
之頡頏某高卧北窻却遮西日軟紅可厭敢長戀
屬車之塵堅白爭鳴惟欲據槁梧而瞑謀歸决矣
因謝及之

代回吳主簿盟

昭誣辨謗方欲賀君比事屬辭何爲至我恭惟某
官居官能大遇事直前象有齒以焚身古今如此
鼠無牙而速訟事理固然幸疑似之旣明將功名
之自致暫蹶霜蹄未爲失何必尤人勿諱泥坑乃

良規願觀進德

代回永豐洪簿格

尋陶潛之丘壑方此息交托孫寶之比隣惠然執
訊願有復也何以報之恭惟某官地望穹華人門
炳蔚故國非喬木信有典刑用人如積薪寧分先
後暫勾朱之遊戲佇薦墨之飛騰某已乞垂車殆
難推轂俟有可乘之間詎敢蔽賢設或未同而言
則懼辱命

代回崇仁黃簿元

告移文之猿鶴方此投林訪奉詔之鳳凰居然棲

枳先勤下問良哉高情恭惟某官家學深純天
膚敏誦詩三百已多識早木之名下筆五行遂得
雋蓬萊之殿乃原丹飲之點暫為朱墨之勾聊復
培鵬行且展驥其抗章納履望寵剖符賦張衡之
歸田便堪稅駕聞孫寶之祭寵尤幸卜鄰

回范主簿

君子實寫我心未遑走謁主簿能令公喜猥辱飛
牋既勞十部之臨敢廢七襄之報恭惟某官器姿
瓌碩學問醇明曾中十萬之甲兵吐為筆陣硯裏
三千之禮樂俯拾儒科便應策足於要津底用擡

頭於矮屋兩府以孫寶爲可如彼斯何百里非仇
覽所棲自此升矣某偶巢燕幕例拜魚書遺我翠
織成欲卷還而不敢報之青玉案愧營度之無奇
代回上饒趙簿以駭
老夫耄矣陞葦五筵之工鄉人好之委重雙魚之
素然惟某官學優而仕業稱其家邑大民殷無憚勾
朱之冗政成事舉會觀薦墨之飛有憐龍鍾之共
鳩僭某偶然曳履甚矣濫巾已再具致休之章期
於得請行重尋邂逅之願茲不瀆辭

回武岡何簿尉

強顏貳郡慚非典午之材箱尾爲僚喜有同寅之
幸曾修辭之未敏辱垂問之相先恭惟某官精神
五兵肝膽一劍積月書於右序已播英聲奏天對
於左廬更登峻級方西北二邊之未靖何東南一
尉之足淹行矣章交亟其王覲某無能教胄願使
轉承身雙魚得尺素書良勤垂念從一騎蹕五百
里即遂承顏忻幸良深敷宣罔旣

回靈泉李主簿

君子之居是邦未皇進謁它人不同姓先辱陳
牋旣感臨存亦深訟愧恭惟某官隆山望族隴右

名家飛將軍之功名寧論妄校謫仙人之苗裔顧
落夜郎進士論定而官之公等何見之晚也暫且
出朱而入墨猶堪紆紫以懷黃某有幸識賢特勤
委贄置一盃之水正有望於吾宗夢三刀於梁初
何關於我輩

回長沙蕭主簿

歌鹿鳴而勸駕叨預旁觀聞鵬化之回程已違旅
賀有高陳誼猶念故侯恭惟某官挺秀楚材效珍
嶽貢頃觀奧義洞明呂辟之三千固擬大庭當擢
何於第一龜果登於前列鸞暫屈於卑棲長沙

不足回旋會計而已短簿能令喜怒騰踏在茲惟
是資水之淵源寥乎曲江之姓字閱世三紀闔郡
一人進士業於進士同若爲愛助天下寶爲天下
惜當自激昂某叨守三榮將書一考已進南嶽香
火之請或可言旋儻過東園山水之亭更希勿毀

回新威遠蕭主簿

與撰

鳳凰千仞不辭棲棘之卑鯉魚尺書見報戍瓜之
及良高陳誼復愧過情伏惟某官卓爾不羣飄然
無敵心潛寶苑富金淵玉海之藏句滿錦囊多篆
鼎風播之作旣儒科之峻擢何簿領之足奄矮屋

擡頭聊復爾耳要津策足由是而之某久於知名
行矣聯事取青媿白愧修報之弗工入墨出朱惟
疾驅之是望

回新盤石曹主簿

開驕駟之道萬馬皆瘖飛鸞鳳之驂一夔亦足未
皇候氣先辱修辭恭惟某官履行醇明風猷凝遠
吐天葩而拔俗拾地芥以決科齒清如水豈羨景
宗之笳鼓學至於海方觀子建之波瀾俯從簿正
之供密近里仁之美能令公喜公怒直爲假館之
謀爾有嘉謀嘉猷又恐趣裝之入某欣聞還舍未
遑款門諸侯不臣寓公無曰一墨之願受進士於
吾同業尚須尊酒以細論

回趙主簿

伏蒙枉顧見畀屬辭備知家學之淵源仍見詞場
之根柢繼沈侯之八詠諒有祖風吟趙嘏之一聯
肯孤宗派但深藏感曷旣報酬

回任主簿

三錫

欲見組纓取瑟尚疑於將命鼎來綠綺彈琴足想
於成聲望履未先鳴謙何厚恭惟某官諸任望族
四蜀名家鄉老使興賢能以應定野主簿能令喜

怒晚乃栖鴛屬聞纏風木之悲未敢于九筵之教
袂蒙袂葺履之餓乃辱協心推纓冠被髮之仁可
占用世朝祥既御暮召何疑某方欲欵門已勤命
駕發棠殆不可復敢更希馮婦之下車治齊問所
以安或可延蓋公而避舍

回榮德馬主簿

奇之應靈趙主簿綸

一麾出守慚非牧御之才同官為僚正藉老成之
助有來下問極仍高情伏惟某官腹溢儒書氣吞
晚輩倚賴臣螯之釣時來為之低回祥鳳之棲公
等安在諒奏勾朱之最即逆薦墨之飛某自笑倦
游何堪共理友其士之仁者行即盍簪忠焉能勿
誨乎更希倒廩其為傾溪罔既敷宣

回汶川文主簿

聞覲省之歸未遑一詎辱臨存之寵仍畀屬辭得
非所蒙願竊有復恭惟某官學優而仕德世其家
蕢不第之厚顏雖淹衆論龔龔好古而篤論自有祖
風少屈鸞栖行看鯤化某濫膺郡寄幸托士鄉將
因其嫌乎將諱其姓乎固非所望吾見其人矣吾
聞其語矣愧莫之酬

回長江李主簿

出幕罔功詎堪再辱分符非據恐負三榮所幸在
賢者之邦或可冀忠焉之誨恭惟某官學探聖處
譽藹明時炷史五千言潛心有素艱侯三萬軸載
腹不遺顧薄蓬萊暫栖枳棘王珣能令公喜不足
爲歎孫寶安得自高聊復爾耳某濫守和義蓋擇
里仁無以我公歸方便解疑塵之榻事其大夫賢
者惠之止水之盂

普回簿尉監當已下

不願封侯已快盍簪之悃既見君子又勤銜袖之
文感煖於布帛之言乏報以澹褊之語徒知十襲

莫效七襄

回趙主簿

頂戴登科記知一日之成名跪讀尺素書喜同年
之有子既高陳誼又耻過情恭惟某官賦擅凌雲
文成翻水能吟青玉案學素裕於鯉庭甫縱黃金
羈名果聯於鴈塔暫棲枳棘即上蓬萊某辱託通
家過勤委贄憶曲江杏花之會陪野鶴於未仙尋
平羌江水之流幸海鯨之有種

回崇仁趙主簿

聞公子之翩翩受墨良幸還使臣之藁靡反室有

期將遂識賢預深引領恭惟某官負材開每進德
枕恂名千里之駒早騰燕譽批九苞之鳳迄對龍
光便當朔紫以凌青顏屈出朱而入墨會膺鵠表
徑造駕行某將拍雪邊傾心日下一詣習主簿合
應勝於讀書獨冷鄭廣文尚從容於歸賦其為欣
幸罔既編摩

梅亭先生四六標準卷之三十五

梅亭先生四六標準卷之三十六

尉

通寧鄉李縣尉

尚

一行作吏祭竈鬼以媚飢同官為僚禱尉仙而徵
福可無牋記先布姓名恭惟某官機量浚明風猷
膚敏千里之馬騏驥顧伏鹽車九戢之魚鱒魴合
登廟鼎鬱鬱赤墀之志匆匆采棒之行茅舍之聽
雞聲孰非王事花村之無犬吠即是民庸人憐橫
水之孤舟誰識倚天之長劍乘除必爾翹跂俟之
某不自力田輒謀耕綠家貧親老誠有詩於斗升

官小職輕亦欲伸其尺寸然平生之短朱墨須寮
友之助丹青儻念卑棲難倚掣鰲之釣猶能拍浪
請陪射鴨之弓

通寧鄉陳縣尉愷

我爲祭竈之謀惟鄰是卜公有折腰之役及爾同
寮聞五綵之鼎來盍尺牋之預附恭惟某官潛心
蓄李敏手決科文石陞高定抱南昌之憤青宜箭
送暫爲東野之酸孤疋蹙於草中蛟何爲乎水裔
以顰白戰失步未所至賈胡願早酬於一識
不知仙吏竟尚隔於幾塵

回武岡東尉

東膠退士合佐黔中北部英游宜留洛下顧訪湘
纍之悴不辭溧尉之酸恭惟某官材調崇鉉器資
果毅久游雙宇夙閑龍豹之韜李敵萬人足奪貔
貅之氣宜策勲於榆塞顧試步於竹弓繞黃山穿
昆明會當奏揚雄之賦涉赤墀登文石不徒上梅
福之書某自分駑庸甘心雌伏別駕始可展足豈
其然乎同寮敢不尽心乃所望耳

代回湘潭游尉林

青鞋左計又迷京洛之塵繡段右牋可忍蕭湘之

故誰能執執此不聽冰恭惟某官曾出清門源流
正李單傳伊洛寧忘厥祖之典刑平視莊騷盍勉
乃翁之文字得解牛於肯綮失射鴨之酸寒行矣
交章從而增秩某重尋故步真是陳人懷鈞天一
餉之榮且然聊爾追汗漫九垓之約行或使之

代回崇仁舒尉

若拙

識中散於雞羣夙有通家之好懷少傳之鵠峙未
諧識面之期飛牋惠然佩意厚甚恭惟某官冠裳
闕閱詩禮典刑無忌即劉牢之甥風流是似鄭公
乃魏墓之祖氣象如存綵捧所臨綠林其遁佇公
侯之必復豈州縣之徒勞某正爾借交偶然浪出
北山馳驛儻無俗駕之勒移東野回頭猶及射堂
之著句

回舒縣尉

再書美最陪賀旅以未能十部華牋感鳴謙之先
辱榮於藏去愧在暗投恭惟某官疏通之才膚敏
於李南昌小隱自當登文石之塗東野壯圖誰可
任通家之漕願少安之無譟孰云多而不揚某芻
狗已陳露螢不暖友其士之仁者敢隱於言今者
人謂斯何恐孤此意更容見可續得表微

回通山廖尉 士正

蓬矢之生厚甚臨存之寵瓜期而往先之謙施之
光似顛倒於衣裳亦輪困於肝膽恭惟某官美由
世濟才應時須抱壁中科斗之文人無能識對殿
上龍蛇之影日獨未斜顧為東野之酸小作南昌
之隱願俟時乎將刈正安結綠之委虵既識路又
疾驅忽報飛黃之騰踏勉為親屈剩了兒癡某已
拜散人足休餘日或出或處漸為雋軌之踈惟孝
惟忠敢置祝規之敬

回錢唐張尉

屢薦入官明公淹矣一官禦寇前輩願之愧執訊
之不先辱屬辭之見及恭惟某官珪璋之質藻火
其文誦三篋之亡書深於汲古授一編之秘略盍
以濟時顧尋東野之酸來主西湖之勝弓刀閑暇
聊暫為平地之僊文字芳鮮行即入明經之佛某
濫巾畿幕投袂吏塵雙魚書之臨極承厚意九牛
毛之冗聊具報章

代回武進黃尉 大中

曳履罔功我二且去飛牋見問君獨賢勞恭惟某
官早決儒科晚遊吏役願登文石豈無梅福之書

猶抱竹弓小著孟郊之句有勤魚素見勞雉工其
自揣頭顱難司喉舌已控挂冠之請聞命即行敢
因授簡之歸占辭奉報

回善化黃尉

習委吏之會計正爾卑棲聞飛仙之遨遊超然高
隱方圖執訊先辱飛牋恭惟某官文獻名流典刑
勝士爲公室輔家夙近於魁三有伯父風學諒求
於已百顧紆塗轍小試弓刀河西之尉淒涼不常
厥邑湖南之地清絕幸疾其驅行即交章亟膺剡
辟某冥心祭竈迫命代尉短主簿髯參軍總無關
於喜怒殫落英飲墜露願同廣於離騷

回新威遠王縣尉

癸之

題千佛之經夙聞秀望試五采之棒似屈長材有
來委翰之勤良動得朋之喜恭惟某官天葩揆藻
地芥拾科頌聖主之得賢定是雲仍之派移忠臣
而爲孝固諳風土之宜若爲翰墨之材肯就弓刀
之役月明靜夜應無犬吠之聲雲入古廳小寓燕
巢之舍東野寧淹於射鴨南昌會見於參鸞某濫
守郡符幸聯王事瓊玖匪報永以爲好也聊飭魚
緘珠玉將至得無修容乎惟占騎氣

回新榮德郭縣尉

光昨

效官錦里昔未識賢乘障斗州今將聯事鳴謙委
况擊節拜嘉伏惟某官擢藻天葩決科地芥待公
車之詔誰明東郭之賢涉文石之塗還作南昌之
隱顧慙陋邑恐負英躔然代公實發軔於通泉至
尚父亦奮身於長史繼其風烈將在雲仍無嫌射
鴨之弓即引穿鵬之箭某出幕十暑試郡一寒同
僚敢不盡心必蒙愛助一官願爲禦寇更幸疾驅

回新應靈趙縣尉

与標

一門父子謂皆分唐叔之珪五色神仙顧少屈趙

家之玉有來委翰知可得朋恭惟某官千里名駒
九苞威鳳宗室隨二千石飽聞議論之高文章長
萬丈光坐想琅崖之豁况已摩空而奏賦不難趾
美以決科何爲渭北清新之材乃屈河西淒涼之
職吟竹弓之射姑昌東野之詩登文石之塗即上
南昌之疏某舊交中壘今見休侯正望弓刀帖鼠
竊狗偷之警言却從筆硯窺蛇神牛鬼之竒

回新資陽曹縣尉

趣曹裝而東上莫企風帆試梅隱以西還未瞻星
表方規賀謁已沐贄牋伏惟某官學有家傳文爲

國緯偉然九尺之幹輔以八斗之材進士論定然
後官之久宜脫穎公等安在何見晚也今始奪袍
折腰暫就於河西入幕即空於冀北某濫茲假守
幸可借交以公歸兮正望發棠之惠無吾以也更
希拔薤之規

回新遂寧長江張縣尉

瞻海上之槎恨差池於八月取圯下之履望傳授
之一編袖戔臨之展卷愧甚恭惟某官負材孔碩
蓄學不貲英英脩月之文飄飄凌雲之賦朝華本
高於夕秀夙知乃墜於暮成入對大庭良負誦書

之三篋出次遠闕尚賢不調之十年况長江素委
之詩人豈市門可淹於仙吏暫返輕舟於吳會即
歸大老於周家某庸欲款門先蒙命駕以霸陵李
將軍之老儻不見呵則天上張公子之賢敢忘加敬

回王縣尉

昌大

訪南榮之隱冒懷太守之章宣北部之威正藉少
公之捧有來委翰良仞垂情恭惟某官科級高華
器能膚敏試竹弓之射不辭東野之酸寒登文石
之塗行繼南昌之謹直功名之會磨厲以須某出
幕星終得州斗大亨鮮勿撓固當謹庭戶之脩吠

犬不驚是則藉弓刀之助

回秦縣尉謝差校正 九韶

善繼人志當為黃素之校讎肯從吾游小試丹鉛之點勘表微愧甚嘗巧可乎恭惟某官心夷而志崇齒新而意宿試劍馳馬早欲範王良之驅游刃解牛今將進庖丁之道綵捧行施於北部青氈會憶於西崑今開萬卷餘義理在文辭之表端能幾字正始終有條理之科所望遠來之朋共成相觀之善卿自用卿法在良弓之子必學為箕人患為人師然它山之石可以攻玉

卷之三十一

梅亭先生四六標準卷之三十七

監官

代回新監鄂州大軍向 士芳

五雉分工謬叨誤渥雙魚尺素良認故情恭惟某官曾出高華才猷秀整所謂故國非喬木蓋有典刑不知公子是監倉誰相料理無忘澤露更與培風其罔功雲司攝長水部血氣既衰戒在得何敢忘耶田園將蕪胡不歸兆足行矣

回向監倉

老我勾閑監分丈二之組故人委重遠貽咫尺之

書倚檐報之搖毫率其恭惟某官象賢烏奕燕譽
飛騰大耐官職之餘暫司倉粟小試山林之久遂
及成瓜駕賢業而心馳竹薦書之交上某更勤來
問仍費屬辭腐於力弱於才無能為役問則告疑
則辨敢愛乎言

回宣城劉監稅

趣譏征之期仕未能信講交承之好禮辱相先既
登受之未安欲捲還而不敢藏惟深於十襲報敢
廢於七襄恭惟某官學本家傳美由世濟凜凜更
生之志節博以羣書異英夢得之詞章雄於一代

顧從三語之椽復甘再轉之丞勇尋葛井之神仙
遂作宣州之賓客左右望而罔市為政在人貨賄
掌其征屢生財有道迄參幕畫入棊藩條馬也守
閭雖少淹於歲月鳳焉巢閣即徑上於雲霄某聞
詩於庭干祿以閥抱關非耻方浪為鎖棘之謀得
闕正賒敢躡翼及瓜之代藉使承竹馬之棄亦未
得蕉鹿之真敢圖臺隸之臨許論子孫之契去之
日如始至知來者之蒙成舊之政必告新敢因之
而請益

回郟縣侯監稅

無隴西李博之材濫茲巢幕有夷門侯嬴之智亦
爾抱關委贄相先報章敢後恭惟某官學卑衆楚
家近三蘇衫曳枯荷難裏崔嵬之氣筆搗玄草漫
爲拓落之官暫屈閑譏聊從吏隱行漢庭之用老
從吳市以登仙某未洗袴袍辱迂車轍載披郇翰
有言何至於失人儻憶郢筒無酒或容於酌我

回高監稅李巡檢

區區薦士蓋採公言豐豐陳牋何勤私謝所願激
昂於事業庶無孤負於品題報不成章言不盡意

回江監酒

名門諸彥夙忻投分之多計幕一時茲有爲寮之
幸欲倏辭而不敏愧執訊之相先恭惟某官材本
家傳美由世濟英辭倚馬秀子弟芝蘭之階甚色
乘龍隱王孫美容之禱尚何事麴蘖之託居然營
糟粕之餘郎君可是筦庫人聊復爾耳碧香竊比
主家釀將有望焉苟無平原督郵之嘲會博涼州
刺史之任某自安飲水敢望啜醪交公瑾如醇醪
將從今始爲復生設醴酒幸勿我忘

回李監酒

景初

元辛之號重光天回西顧剛卯之稱單闕日麗東

迎亨在泰通祥因履考恭惟某官清材疾達懿識
規圓蒼璧絕瑕彌聳且評之望青旗簇仗行登元
會之班諒對於菟顧兔之交益介食蛤踞龜之壽
其尚稽賀牘過辱頌言尚可歸田正有望土牛之
送不堪立仗詎肯希櫪馬之喧

回新榮州史監酒

季儉

鳳凰千仞昔聞將下而復飛鯉魚尺書今見昔來
之甚惠有勤委贄敢廢報章伏惟某官胃出典刑
家傳忠烈振振公姓不肯附黃閣之家挺挺祖風
殆欲伏青蒲之節謂立登於膺仕顧小隱於步兵

惟是三榮之陋哉詎堪再辱於賢者改邑不改井
竟困井遷有民此有財不勝財竭所謂蠅頭之入
全仰犢鼻之酤郎君可是管庫人聊復爾耳先生
未出禁酒國幸疾驅之某尚耳強顏真成厲尾一
郡之政守與酒因利利之衆人皆醉我獨醒執事
事也

回史監酒

文舒

同官爲寮輒剡公車之牘薦賢報國豈收私室之
恩一謙之搗三復以愧恭惟某官美由世濟材應
時須舉瓢而酌天漿更觀遠業明經而拾地芥佇

決魏科將猶錐之處囊中何止羅而致幕下某每
勤婉畫良覺賢勞推轂有味其言式稽于衆引鼎
不程其力姑見此心

回新蔡州家監酒

民獻

某乏蒲萄之博郡既竭吾才累糟粕以築臺徒得
君重顧念步兵隱嗣宗之職何勤天王使家父之
來恭惟某官業精于勤學優則仕族庖之刀有餘
刃爭自致於功名良弓之子必爲箕諒夙精於詩
禮少時嘗讀醉鄉記郎君可是管庫人惟此三榮
之窮仰於一醉之富旨且多且旨當辨聖賢私

勝公公勝私在權子母惟尊不空而客常滿則人
皆醉而我獨醒引勝地於一盃趣朝天於三斗某
發醜何有罰耐是憂爾來三月寔無塩不堪寡助
破除萬事何過酒切幸疾驅

回周監酒

孝獻

叨恩試郡正懼曠厥聯事爲容幸逢名勝愧陳箋
之不敏辱垂問之相先伏惟某官抱負恢宏典刑
膚碩斬屈糟丘之隱小試清醇諒知酒誥之篇益
加醲郁佇階騰踏即踐高華某老矣倦游冒焉遠
戍對北海而捉私釀免俗未能交公瑾如飲醇醪

同寅是望其為傾侯罔既敷陳

回榮州呂監酒 逢年

守榮黎之徽方幸終更分通義之符游叨詳試有
勤下問益仞高情恭惟某官學有家傳材高世濟
故國非喬木之謂蓋有箕裘惠風沍崇蘭之光有
華階序會即登於玉筍式並美於金屏某前者為
僚茲焉改成猶蒙獎借及於芻狗之陳要是飄流
念在尊鱸之熟

回監叙州茶帛庫張 世永

海上八月之仙槎昔幸逢於博望山下十年之老

石今再遇於穀城淒其一夢之驚愧此尺箋之貺
恭惟某官風標靖重器識端溫近世名卿疇若乃
翁之清介當家奧學定存是似之典刑紆餘入幕
之賓協相摘山之畫春風萱草承燕喜之慈顏秋
露蘭芽已蟬聯於官牒佇觀濟美還入旁招某叨
領臺願獲迎鷁首見名駒之汗血良慰故情懷野
鶴於未仙還悲往事

回趙舡場 必孚

巨川作楫夙知家學之高野水橫舟謾借時材之
重袖長棹而見昇搔短髮以懷慚恭惟某官籍甚

宗英蔚然相種若射有志已穿鵬鷲於西風其釣
維何行掣鯨魚於東海顧屈箕裘之學暫司剡剡
之工當斧斤間暇之時聊聽數聲之鶴唳收文字
芳鮮之績即看萬斛之龍驤某巢幕非材濫巾有
醜登天而攀蜀道昔逢峽水之倒流航海而溯斗
門兮覺村船之逆上幸百聞之一見及異事而同
寮胡越協心何況不殊於臭味魁台齊色尚期勉
繼於芳馨

回新添差趙監押

懦緩無庸濫分郡寄戎昭且整將倚宗英貽書察
然陳誼厚其文有勤於四六感益倍於尋常恭惟
某官胄出文昭學深武略振振麟定夙高趾角之
仁肅肅鬼冒合任腹心之選以斗州之甚褊辱天
族之肯來桴鼓不驚藩維自壯某獲叨聯事將幸
分憂察閭里之姦邪願無大吠冠宗室之議論庶
款燕談

回龔監獄良臣

懷湘屈之清來隱城池之上聞楚龔之潔實其在邦
域之中方圖班箋已沐泚記恭惟某官器資庸敏
業履端方清淑炳衡嶽之靈忠信挺巫嶠之秀學

歐陽子端是百年能幾見之人師昌黎公頗有四
舉乃一得之歎謂高登於雲路乃勇退於急流存
奉真祠益彰雅操寧與騏驥將與雞鶩甘從考澗
之槃小不虺蜮大不鯨鯢可見在山之潤紅藥猶
堪於傍砌青蒲會報於裏輪某拙不喻人猶弗諧
世誨諸生於館下以冗見治試別駕於治中何卑
敢憚正擬編蒲之暇欵求拔薤之規居是邦事其
大夫願依賢者舉進士吾為同業能勿誨乎

回史監廟龜

十年出幕濫分和義之麾千室以絃將竊依仁之

益未皇注記先沐蜚牋恭惟某官行無瑕玼學有
源委儒林發藻不難地芥之收簿牘擇棲行踐天
衢之直某立朝無補乘障非材火兩燔之生巾真
成妖夢水一盃而窺戶更望忠規請謁非遙占謝
惟略

梅亭先生四六標準卷之三十七

梅亭先生四六標準卷之三十八

學職

謝永州鄭學諭

一聽履聲已喜似人之見載披手舉更欽博我之
文得非所蒙願竊有復恭惟某官學探聖濟秀出
愚溪窮司農之經諒皆殫洽客廣文之舍大似淹
回佇即摘髭亟其奮翼某不能教胄有負轉承儻
簿書獄訟之餘其交以道則道德性命之理當誦
所聞

謝張學諭

元之

吟墻竹之公事自分聾丞聞洋林之好音還成伎
癢亟裁四六就謝萬分恭惟某人氣韻淑均風猷
膚敏尋西塞桃花之蹶豈其河鯉之逢思東兵尊
菜之鱸行矣溟鯤之化無厭俗情之傲贅即觀鄉
賦之拔尤某聊爾治中奚勞賀上膺何如昔已無
可取之楷模籍也抱能尚可相從於閭里

回唐學錄淵

題輿非據箝紙尾以何心銜袖見貽羨筆頭之有
口一謙厚甚三復悚然恭惟某官清挹畹蘭秀分
緋藻蒙開蜀道諒餘挺又之風勤讀楚詞定出選

遙之胄佇帝庭之大對豈鄉校之久淹某教胄無
庸負丞有覲露繫天豁有慙南嶽之鳳鳴澗愧林
慚但覺北山之鶴怨

回吳學正 鹿龍

洗塵土之袍未皇請益披月露之牘良佩鳴謙藏
以爲榮報於何有恭惟某官風猷凝遠天韻淑均
炳扶輿磅礴之靈富詰屈聾牙之學生九辯九歌
之地豈自隔於脩門挾八克之能將能將差強於
敵國四六且工於駢儷三千足想於縱橫某有幸
依仁過勤委贄故將軍之雌伏難言李廣之無雙

新進士之龍飛惟祝吳公之第一

回卓學諭邁

聞凌雲之作方幸友仁拜明月之投更高陳義不
知所報藏去為榮恭惟某官秀出閩中僑游黔鄙
橫經重席方依夫子之宮墻問舍求田豈為王孫
之僮客佇摘髭於名第即策足於要津某教胄無
庸負丞何筭揚脩有智但欽絕妙之受辛韓子非
才頗覺長慙於典午

回寧鄉魏學賓

抗塵縣掾真成拓落之官引領黨庠知有耆明之

彥未瞻文席先沐尺書恭惟某官漢相雲仍鄭公
風烈北多良馬老伏櫪之駿厖南有嘉魚秩賓筵
之燕衍正爾廩人之繼粟何如天子之執漿佇累
蒲輪即空熏帳某盍請鄰而祭竈願越俎以代庖
禮貌衰則去之友其士之仁者會計當而已矣忠
焉能勿誨乎

回魏教諭得

一
旅進接辭未皇款曲謙撝委贄備仞勤渠所慙揚
然之曾有孤厚甚之意恭惟某官故家古汴久客
都梁渾渾無涯窮廬夏商周之奧義挺挺有烈願

臯叢稷契之良臣昨膺冰漕之計偕盍對天堦之
親策暫留鷄洋行奮鷗溟某教胄非材負承知愧
友其士之仁者蓋有望於名邦忠焉能勿誨乎詎
敢當於溢美

回彭學賓

居仁

觀國之賓顧屈習鄉之齒愛人以德何勤博我之
文一謙惠然三復感甚恭惟某官夙充嶽貢見謂
楚材子佩明經詎肯受安昌之薦錢鏗好古祇欲
爲孔子之徒行膺拾芥之科寧久采芹之客某自
慙李落更愧名浮憂則違之賴不失黔中之上佐

士之仁者當或憐澤畔之大夫

回朱齋長

茲蒙謙巽又復賁臨退而歌鹿鳴之三何止重車
渠之百蟾枝鵬路所有更以贈君燕夏鶯喬此言
何爲至我

回趙省元

易學論

茲承纏履寵臨鳴謙垂賁柳子之業甚淺未見可
師李翊之問何恭恐孤求益伏惟某官器函趙璧
學貫義圖家人則有嚴君觀復不遠主器莫若長
子幹蟲蠹奚先惟精研三聖之書且博究九師之傳

鴻漸之為儀可必鶴鳴之好爵何逃某屯塞餘生
乾坤長物相從講朋友之允不亦悅乎然有非頰
舌之咸所能宣者

回宋直學

學詩

侯貢士

友德

史掌儀

震

楊贊講

大介

宗西漢之文詞未皇請益祖東坡之翰墨猥辱鳴
謙所願就有道而正焉敢恨何相見之晚也恭惟
某官岷峨山立江漢淵澄晏如揚雄固已度越於
諸子飄然李白詎容流落於六丁無忘澤豹以培
鵬會即騰蛟而起鳳某再鼓愈淡五技已窮嘗聞

蜀都蓋亦此基於上世思樂泮水尚期克廣於德
心

回衆學職

濯太白之冰壺知卧月花之影磨文饒之璞玉願
聞水蕤之規辱委繫之寵先愧識賢之緩後恭惟
某人炳靈世載文獻老成蚤聞高軒過之吟羅曾
有耀詎意古戰場之讀過眼還迷是宜不見於諸
侯猶辱觀過於吾黨九萬里風斯下願培鵬路之
程三千字日未斜即對龍墀之影某茲蒙投壁始
好遺珠有司以公不以情且相同於采藻於我無

德亦無怨願更草於凌雲

進士

回李校正

息肩屬爾未遂見賢振履足然猥勤委贄退而展
玩悚若感慚恭惟某官作賦摩空成文翻水飄然
太白空望眼於岷峨籍甚仲元輩脩名於夷惠若
為將仕之諾當淹行秘之書暫客諸侯無謂道旁
之苦行賓王國即為席上之珍某得姓偶同卜隣
不敏事其賢者友其仁者足慰遠游愛勿勞乎忠
勿誨乎尚希餘論

代回曾秘校

炳

世契

古人有子昂然野鶴之標妙語及門副以家雞之
帖恍如喚夢殆不勝情恭惟某人自出清門不為
俗李接茶山先生之派信有委而有源繼郴陽從
事之賢諒肯堂而肯播有懷父黨見惠客卿共阿
戎談自覓後生之可畏薦祢衡表孰知餘力之不
任姑記九苞鳳之祥徐思千里馬之報

代回陳宣教

植

世契

紅蓮綠水談舊事以無人翠竹碧梧喜故人之有
子投文為惠陳義甚高恭惟某官闕閱芳華典刑
炳蔚填麓伯仲皆蘄然之秀金玉氣質疑小者之
佳早騰吐鳳之詞夙記鳴蟬之賦雖偶遺於世祿
會自奮於儒科觀其紙上之辭此豈池中之物柳
宗元之記先友賸有人焉山巨源之念遺孤焉知
來者某有懷世契幸及英游思不忘久要之言既
聞耳矣有可相料理之處願盡心焉

代回廖宣義

慶成

共阿戎談獨未見其父耳作靈光賦果有異於人
乎申之雄箋展也厚意恭惟某官清門有奕素李
甚都安在何見晚耶小淹賢業幸哉有子如此足
專義方頗聞及瓜已戒行李願念江湖之賜號亦

勤煙霧之勒移，想象朝雲已竟鋪張之巧，扶持夜
燎更勞駢儷之工，某無以報瓊重於辭璧靈椿一
而仙桂五歧予望之，胡琴四而鹿鳴三聊相復也。

回章省元

患在為師濫綴虞庠之屬，惠而好我，獲窺唐律之
工，恭惟某人詩解人頤，句穿月脇，金籥一經之李
信有家傳，蒲帆百尺之風，勉為國許，某有勤投璧
所乏報瓊，鄉人之善好之，玄遂忘其尚白後生焉。
知來者青正望於出藍。

代回孫祕校暄

薄官走何邕，躡升五雉，故人有孫宰，忽寄雙魚恭
惟某官學業甚均，交情未熱，重憐瓠落，壯不如人
矧復蒲凋，老當佚我，與其佩水蒼而徒爾，不如飲
山綠而終焉，某自揣頭顱難司，喉舌未能免俗，復
叨曳履之榮，豈不懷歸，已動挂冠之興。

代回辛宣教穰

辨謗

惠以朋箋，申之儼語，辨先正之謗，勁氣凜然，叙通
家之情，高懷厚甚，恭惟某人象賢濟美，燕譽蜚英，
李師中之讀書，不難擢第，王文正之有子，猶未沾
恩，是非以久而明，公侯必復其始，一生一死，詎敢

爲翟公之交三沐三熏所望聽韓子之說某緬懷
契闊倍有盡傷吾言之聽者誰歟法當小待子歸
而求有餘也願益自強

代回曾祕校 三益

共千里之月猶愆半面之期寄五朶之雲仍負隔
年之債雖迷於復實感所蒙恭惟某人咳唾成珠
弟兄連璧素所蓄積捲湖海之波瀾作爲文章粲
朝廷之翰墨公等安在吾道非耶某日旣薄西星
猶拱北邯鄲借枕雖重游廣樂之天神武挂冠行
將老菟裘之地如君善頌非我敢知

回蹇祕校

茲蒙盛服見賁長箋吾政何及公言耶深慙溢美
是邦友其士仁者尚賴告忠至如社廩之儲尤賴
里仁之唱并此叙謝兼布願言

回袁進士

此君將無是乎愧識賢之不早公等何見晚也辱
委贄以甚恭景星負先覩之懷明月重暗投之恨
恭惟某人器資疑遠業履端溫文章滿家有擘天
葩之吐俊又觀國何難地芥之收始疑泄柳之閉
門今感任棠之出戶某濫分小壘又避正堂聞高

論傾枝鄒何嫌末至見刺史即周孔則不敢知

回景省元

所求乎友未能方深訟愧不見諸侯何義始辱臨
存有勤委贄之華寧恨盍簪之晚恭惟某人曾蟠
義氣腹溢儒書春登孟子之門固妾婦儀秦之學
差入子貢之室定奴僕屈宋之騷其在雲仍諒有
風烈况已入地官之獻佇亟膺天網之收某假守
非材識賢不早當戶而見龐守旣俎豆予避堂而
舍蓋公無金玉爾

回尋進士

救荒

某問隱遯之肥見賢不早挾流離之瘠借助良多
方圖草具以盍簪遽辱英詞之銜袖伏惟某官才
高時輩譽謁月評不見諸侯若小然方踰垣而閉
戶爲食於路待餓者乃被髮以纓冠思飢諒切於
已飢獨樂孰如於衆樂彼或以鄰國而爲壑此獨
耻匹夫之納溝相友助相扶持得人焉耳無衆寡
無小大易地則然某假守蒙成強顏逃責旣見君
子已忻慰趨趨之螽爰及矜人要共念嗷嗷之鴈

回蘇祕校

榮祖

九州四海知有百年幾見之家五兩半通噶七

翁二季之聖世濟其美吾見其孫恭惟某人規
高曾淵源師友黃樓一河水親承宗派之傳青松
三萬栽更覺孫枝之茂佇用元祐之學入對蓬萊
之宮某為長於斯得人焉耳袴歌今五詎能及廉
叔之暮來樓近古三儻肯為黎侯而晚賦

回蘇祕校

丞

孤雲落照敢言歌樂職之聲名山大川疑尚有英
靈之氣在賢者識其大者惟有之是以似之恭惟
某人學有家傳文必已出不作人間煙火之語且
在天上雲霧之窻遙遙賈誼之有嘉挺挺魏墓之
似證子弟何預人事兒郎自有家風力行所知不
聞亦式某竭來假守獲識真儒松聲聞十里之風
幸同臭味薤本置一盂之水更望箴規

回蘇貢士

辰之

下第

童而挾策莫非誦眉山之書老矣懷章乃獲守通
德之里未皇下榻先辱踵門恭惟某人學有宮庭
詞為枝葉承老翁青松之植擅幼婦黃絹之才平
時謾說古戰場豈料還迷於五色歸家但草凌雲
賦會將放出於一頭某正愧遺賢願勤委贄貧家
見珠貝真成負眩晃之羞使君洗樽壘行欲致菴

唐之謝

回孫省元

和之

吟風弄月之歸未皇請益裁霧縫雲之作猥辱擊
蒙喜聞足音仍拜手畢恭惟某人學行之上世載
其英古稱閉戶之先生豈其苗裔近耻呈身之御
史殆有典刑以江湖魏闕之遊識伊洛濂溪之派
知其主信其客必窮游夏之淵源加其膏希其光
詎止卿雲之黼黻某未皇避舍猥辱踵門一辨薰
南豐之香願觀卒業幅巾援東坡之筆嗣得乞言
梅亭先生四六標準卷之三十八

